

RRUGA E PARTISË

ORGAN
TEORIK DHE POLITIK
I KOMITETIT QENDRORE
TË PARTISË SË PUNËS
& TË SHQIPËRISË

Adresa:
«RRUGA E PARTISË»
pranë KQ të PPSH – Tiranë

Pajtimet:
për 6 muaj 15 lekë, 1 vit 30 lekë
Jashtë shtetit:
për 6 muaj 18 lekë, 1 vit 36 lekë

Mars 1982

Viti XXIX i botimit

Përmbajtja:

ENVER HOXHA — Vendosmëria e vullneti juaj janë shprehje e frymës së lartë revolucionare dhe e besimit tuaj të patundur në vijën e urtë të Partisë (Letra drejtuar kooperativës së tipit të lartë Hero i Punës Socialiste të Cakranit në rrethin e Fierit).	5
— Arritjet e deritanishme në transformimin socialist të fshatit na kanë rritur entuziazmin dhe vendosmërinë për të marrë përsipër e për të realizuar objektiva më të mëdha (Letra drejtuar shokut Enver Hoxha nga kooperativistët e kooperativës së tipit të lartë Hero i Punës Socialiste të Cakranit në rrethin e Fierit)	7
PROBLEME TË KONGRESIT TË 8-TË TË PARTISË SË FUNËS TË SHQIPËRISË	
RAMIZ ALIA — Rritja e cilësisë — detyrë themelore e letërsisë dhe e arteve (Fjala e mbajtur në plenumin e Lidhjes së Shkrimtarëve dhe Artistëve të Shqipërisë, që zhvilloi punimet më 19-20 mars 1982)	10
F. BABARAMO — Rritja e efektivitetit të ekonomisë — detyrë nga më kryesoret e pesëvjeçarit të shtatë	25
SH. PRIZRENI — Mundësi të shumta për pakësimin dhe shfrytëzimin e dobishëm të mbetjeve teknologjike	33
F. SALIÇAJ — Të trajtohen me të njëjtin shqetësim si problemet e realizimit të planeve ashtu dhe ato të kujdesit për punonjësit	42
A. ÇARÇANI — «Revolucioni i gjelbër» — formë e kamufluar e shfrytëzimit neokolonialist	50
BIBLIOGRAFI	
N. MYFTIU — Mësime të çmuara me vlera aktuale për revolucionarizimin e vazhdueshëm të organizatave të Partisë (Rreth vëllimit të 35-të të Veprave të shokut Enver Hoxha)	58
<i>(Vijon në faqen prapa)</i>	

PËRVOJË NGA PUNA E PARTISË

S. BUSHATI — Realizimi i detyrave në ekonomi
— objekt nga më kryesorët i punës së organi-
zative të Partisë

**NGA VEPRIMTARIA
E ORGANIZATAVE TË MASAVE**

L. REXHA — Të rrisim më tej cilësinë e punës
edukative me rininë

**VENDOSMËRIA E VULLNETI JUAJ JANË
SHPREHJE E FRYMËS SË LARTË REVOLUCIONARE
DHE E BESIMIT TUAJ TË PATUNDUR
NË VIJËN E URTË TË PARTISË**

**KOOPERATIVISTËVE TË KOOPERATIVËS SË TIPIT TË LARTË
HERO I PUNËS SOCIALISTE TË ÇAKRANIT**

FIER

Të dashur shokë kooperativistë e kooperativiste, brigadierë, specialistë e kuadro drejtues të kooperativës,

Më gëzoi shumë letra që më dërguat, me të cilën më njoftuat për arritjet tuaja gjatë vitit që kaloi, pse ato i shërbejnë fuqizimit të kooperativës suaj dhe gjithë ekonomisë së Atdheut tonë e, në të njëjtën kohë, vërtetojnë drejtësinë e vijës së Partisë në zhvillimin socialist të fshatit. Më gëzoi gjithashtu zotimi juaj për t'i konsideruar këto arritje vetëm si hapat e para, vendosmëria e vullneti juaj për përparime akoma më të mëdha që do ta forcojnë më tej kooperativën e do t'ju bëjnë jetën më të begatë.

Kjo vendosmëri e ky vullnet janë shprehje e frymës së lartë revolucionare që ju karakterizon dhe e besimit tuaj të patundur në vijën e urtë të Partisë. Jam i bindur se ju do t'i arrini objektivat e reja që i keni caktuar vetes. Këtë ju e keni vërtetuar me punën e palodhur, me qartësinë e kuptimin e drejtë politik e ideologjik të detyrave. Të jeni të sigurt se në çdo hap, si kurdoherë edhe në të ardhmen, do të keni mbështetjen e plotë të Partisë dhe ndihmën e pakursyer të pushtetit popullor. Ju dërgoj me këtë rast, në emër të Partisë, të Komitetit Qendror të saj dhe timin, përgëzimet më të mira për çka keni bërë dhe shpreh bindjen se do të ecni gjithnjë përpara e pa u ndalur në rrugën e drejtë që keni nisur.

Të dashur shokë e shoqe të Çakranit,

Kooperativa juaj bën pjesë në krahinën e bukur të Mallakastrës, ku jeton e punon një popull trim me tradita patriotike e revolucionare.

re, i lidhur që në fillim si mishi me thoin me Partinë, së cilës i ka qëndruar e i qëndron vazhdimisht besnik pa ia bërë asnjëherë fjalën dy. Bijtë e bijat e Mallakastrës, ashtu si të të gjithë Shqipërisë, luftuan heroikisht, shumë prej tyre dhanë jetën gjatë Luftës së madhe Nacionalçlirimtare dhe sot nuk kursejnë asgjë për ndërtimin socialist dhe mbrojtjen e Atdheut.

Por Mallakastra nuk është vetëm një vatër e zjarrit patriotike e luftërave për liri, për dije e përparim, ajo është edhe një krahinë nga më pjelloret e Atdheut për prodhimin e drithërave, të bimëve industriale e rritjen e blegtorisë, një krahinë shumë e përshtatshme për frutikulturën dhe për pemën me vlera të mëdha të ullirit.

Ashtu si për të gjithë vendin, Partia ka pasë menduar e mendon edhe për zhvillimin ekonomik të Mallakastrës, për përmirësimin e jetës së popullit të saj trim e patriot në rrugën e socializmit. Përparimet në këtë drejtim të gjithë i shohim me sytë tanë, ndërsa të mirat e tij i gëzon vetë populli i kësaj krahine. Ballshi, nga një qytet i rrëgjuar e pa perspektivë zhvillimi në të kaluarën, është bërë sot një qendër e fuqishme e industrisë sonë të re socialiste. Edhe fshatrat e Mallakastrës, gjithashtu, me transformimin socialist të bujqësisë, kanë ndryshuar si nata me ditën.

Partia është kujdesur vazhdimisht, edhe vetë personalisht jam interesuar dhe kam kërkuar që terreni i thyer i krahinës suaj të vihet nën ujë dhe të kthehesh sa më shpejt në blloqe të mëdhenj pemësh frutorë të të gjitha llojeve si dhe me ullinj, vreshta etj., kaq shumë të dobishme për ushqimin e njerëzve tanë dhe të nevojshme si lëndë e parë për industrinë ushqimore.

Sot me kënaqësi konstatoj se nën kujdesin e vazhdueshëm të Komitetit Qendror të Partisë, të ndihmës së organizatës të Partisë e të pushtetit në rreth, si dhe të punës suaj të madhe, bujqësia e blegtoria, duke përfshirë edhe pemëtarinë tek ju, janë futur në rrugën e zhvillimit. Vazhdojeni këtë punë më me vrull në mënyrë që të çohet gjithnjë e më përpara zhvillimi ekonomik-shoqëror si i kooperativës suaj, edhe ai i Mallakastrës, pse kjo është për të mirën tuaj, të mallakastriotëve dhe të të gjithë popullit e Atdheut tonë socialist.

Përfitoj nga ky rast për t'ju dërguar juve e nëpërmjet jush gjithë popullit punëtor, trim e patriot të Mallakastrës së Rrapo e Dervish Hekalit, të Ramiz Aranitasit, të Dino Kalenjës e të sa e sa heronjve e dëshmorëve të tjerë, përshëndetjet e Komitetit Qendror të Partisë dhe të miat, si dhe urimet më të mira në punë e në jetë.

Juaji
ENVER HOXHA

Tiranë, më 24 mars 1982

ARRITJET E DERITANISHME
NË TRANSFORMIMIN SOCIALIST TË FSHATIT
NA KANË RRRITUR ENTUZIAZMIN DHE VENDOSMËRINË
PËR TË MARRË PËRSIPËR E PËR TË REALIZUAR
OBJEKTIVA MË TË MËDHA

SHOKUT ENVER HOXHA
SEKRETAR I PARË I KOMITETIT QENDROR TË PPSH

TIRANË

I dashur shoku Enver,

Ne, anëtarët e kooperativës bujqësore të tipit të lartë të Cakranit Hero i Punës Socialiste, në krahinën e Mallakastrës të rrethit të Fierit, me një ndjenjë të lartë krenarie për rezultatet e arritura analizuam përfundimet ekonomik-financiare të vitit 1981.

Gjatë vitit që kaloi hodhëm një hap tjetër përpara në rrugën e intensifikimit të prodhimit bujqësor. Në krejt sipërfaqen prej 950 ha të mbjellë me grurë morëm 42,3 kv për ha. Sektori i Cakranit dhe ai i Gorishovës morën 48 kv për ha grurë. Brigadat pararojë që drejtohen nga Zakie Mihaj, Luftar Dalipaj etj., morën nga 52 deri 57 kv grurë për ha. Në misër, ku kemi fituar përvojë dhe kemi rritje të përvitshme të rendimenteve, morëm 75 kv për ha në tërë sipërfaqen e mbjellë. Ne mbjellim 1000 ha me pambuk dhe në këtë bimë të rëndësishme për ekonominë tonë morëm 13 kv për ha. Brigada të veçanta, si ajo e 9-ta dhe e 6-ta në sektorin e Varibopit, morën 26 dhe 24 kv për ha.

Ne kemi treguar kujdes për zhvillimin harmonik të të gjithë degëve të bujqësisë: bimëve të arave, blegtorisë, pemëtarisë e pyjeve. Gjatë këtyre viteve kemi dyfishuar numurin e krerëve të lopëve dhe kemi rritur 2,5 herë prodhimin blegtoral. Kodrat e Cakranit, që i rrinë si kurorë fuqishës së sistemuar e të begatë, janë veshur me 122000 rrënjë ullinj, me 225 ha vreshta dhe me 90000 rrënjë pemë frutore. Pemëtaria është bërë një sektor i fuqishëm dhe jep 13 për qind të të ardhurave të kooperativës. Tokat e zëna me pemë e ullinj po shfrytëzohen intensivisht dhe nga

ato sigurohen edhe foragjere të njoma e koncentrate, me të cilat ushqehen 8000 krenë bagëti të imta, 20000 gjela deti etj.

Zhvillimi i pandërprerë i prodhimit, sidomos gjatë këtyre 10 vjetëve të organizimit të Cakranit si kooperativë e tipit të lartë, ka siguruar rritjen e vazhdueshme të nivelit tonë të jetesës. Brenda kësaj periudhe të ardhurat e përgjithshme të ekonomisë sonë të përbashkët janë rritur më shumë se dy herë. Në këtë zonë, si në të gjithë Mallakastrën, jetojnë të gëzuar e të lumtur 15000 banorë nga 3700 që kishin të nëntë fshatrat e ekonomisë sonë në vitet e para të Çlirimit. Çdo fshat në kooperativë është bërë pothuajse krejtësisht i ri, me banesa të bukura e të mobiluara me institucione social-kulturore që plotësojnë më së miri nevojat tona.

Këtë zhvillim të pakrahasueshëm me të kaluarën, ne mallakastriotët, si i gjithë populli ynë, ia dedikojmë udhëheqjes së drejtë marksiste-leniniste të Partisë me Ju në krye i dashur shoku Enver. Populli i krahinës sonë, i lidhur si mishi me kockën me Partinë dhe me Ju, që në ditët e para të luftës e vazhdimisht, ka punuar e ka luftuar gjithmonë për të vënë në jetë mësimet e Partisë dhe tuajat. Arritjet e deritanismet në transformimin socialist të fshatit, detyrat që shtroi Kongresi i 8-të i Partisë për intensifikimin e bujqësisë, na kanë rritur entuziazmin dhe vendosmërinë për të marrë përsipër e për të realizuar objektiva më të mëdha. Jemi të ndërgjegjshëm se ende kemi rezerva. Duke studiuar letërkëmbimet tuaja me kooperativistët e Dajçit dhe punëtorët e NB-së së Maliqit, duke u njohur konkretisht me përvojën e vyer të këtyre ekonomive dhe të ekonomive të tjera të dalluara, të gjithë ne, komunistë, kooperativistë dhe kuadro të kooperativës vendosëm që të avancojmë detyrat e pesëvjeçarit.

Duke marrë 80 kv për ha misër, 20 kv për ha fasule e sōjë dhe 100 kv për ha patate, qysh këtë vit realizojmë rendimentet e vitit 1985. Në grurë do të marrim 44 kv për ha, ndërsa më 1984 do të realizojmë rendimentin e vitit të fundit të pesëvjeçarit 46,2 kv për ha në 900 ha me grurë. Në pambuk do të marrim 15,5 kv për ha dhe objektivin e pesëvjeçarit do ta arrijmë në vitin 1983 duke marrë 18 kv për ha në 1000 ha.

Zotimet tona do t'i bëjmë realitet. Bazë për këtë janë vija e drejtë marksiste-leniniste e Partisë, mësimet tuaja i dashur shoku Enver, është puna e ndërgjegjshme e 4900 kooperativistëve, frymëzim është shembulli pararojë i 370 komunistëve të kooperativës sonë. Mobilizimit tonë gjithmonë në rritje po i përgjigjet organizimi dhe drejtimi më i mirë i punës nga shtabet, të cilët funksionojnë gjatë gjithë kohës si shtabe lufte, ashtu siç na porositni Ju, shoku Enver.

Hapa të rëndësishme kemi bërë për përqëndrim — specializimin e prodhimit. Brigadat e arave tani kultivojnë nga dy kultura. Më mirë se çdo herë tjetër po zbatojmë teknologjitë e përparuara. Këtij qëllimi i shërben puna e 1550 kooperativistëve që kanë kryer e vazhdojnë shkollën e mesme bujqësore. Kujdes po tregojmë që t'i kryejmë në kohë të gjitha punët e stinës. Gruri, në sajë të shërbimeve, paraqitet i mbarë. Jemi hedhur frontalisht për përgatitjen e tokave dhe është pluguar 70 për qind e sipërfaqes që do të mbillet me bimët e pranverës. Kemi rikonstruktuar gjithë rrjetin kullues e ujitës, po vazhdojmë me shpejtësi dërgimin e plehut në arë, kemi siguruar farna të zgjedhura, të cilat lejojnë marrjen e

rendimenteve të larta. Masa të mira kemi marrë e po marrim për shtimin e bazës ushqimore, për remontin dhe mbarështimin e bagëtive. Kemi vënë si detyrë që, në muajt prill-maj, të bëjmë 6000 tonë silazh pranveror, sa dyfishi i planifikuar duke siguruar më mirë nevojat e blegtorisë së kooperativës dhe ato të tufëzuara. Pranverën e kemi kthyer në një betejë luftarake për të realizuar në kohë çdo detyrë.

I dashur shoku Enver,

Duke pasur në mendje e në zemër direktivat e Partisë dhe mësimet tuaja, do t'i çojmë më përpara fitoret e arritura në zhvillimin e ekonomisë dhe në forcimin e mbrojtjes të Atdheut tonë socialist.

Të rrojë Partia jonë e lavdishme!

Të rroni sa malet tona kreshnike i dashur shoku Enver!

**NGA KOOPERATIVISTËT E KOOPERATIVËS
SË TIPIT TË LARTË HERO I PUNËS SOCIALISTE
TË CAKRANIT, RRETHI I FIERIT**

Cakran, më 14.3.1982